



Als. i. mach mit einem breyten zug mitten in sein fterung/das es oben vnd vnden anrür/vnd
schweyffden oben vnd vnden auß. Wie das hernach ist aufgerissen.



Es. k. den ersten zug thu vorn herab in der fterung gleych meßig dem forderen zug im. h. Dar
nach zeuch den anderen dünnen zug von dem preyten aufrechten zug/also das er die zwerch
lini mitten in der fterung. e. f. vnden anrür vber ort vbersich vnd hindersich an. a. b. vnd pa
rallel gegen dem rechten Diameter / aber die ausschweyffung an disem zug mach oben an der zwer
chen. a. b. auf yetlicher seyten eyn zehenteyl preyt von d leng. a. b. vñ die forder ausschweyffung / thu mit
einem cirkelröß des Diameter mit preyter sey dan der dünn strich preyt ist / aber des anderen cirkels Dia
meter / da mit du die anderē seyten ausschweyffst / mach zwey mal so preyt / als da ist die cirkellini damit
die forigen geradē preyten aufrechte strich ausschweyffst sind. Darnach zeuch von disem dünnen zug
den vnderen preyten zug vnder sich herab / dz er auch parallel mit d fterung Diameter sey / vñ sein an
fang nym auß dem spiz winckel / den da macht d dünn zug an dem aufrechte preitē / vñ zeuch in mit sei
ner ausschweyffung biß in das eck. d. doch also / setz zwen puncten auf der lini. c. d. herfür alweg eyn
zehenteyl von. c. d. darzwischen breyt / vnd zeuch den forgedachten breyten zug mit plintrissen in dz for
der felt / aber darnach mußt du disen zug ausschweyffen / dem thu also / setz ein puncten. g. auf die lini. e.
f. so weit von dem. f. herfür so breyt der dünner strich des bustaben ist / darcin setz ein cirkel mit dem ein
fues vñ den anderen in den puncten. d. vnd reiß darauß fürhin durch den preytē blinstrich / so gib die
dise lini die vnder rundung des zipfels aber die ober ausschweyffung mach also / teyl. f. d. mit einem
puncten. h. in der mitt von einander / vnd setz einen cirkel mit dem einen fues darcin / vnd mit dem an
deren reiß auß dem. d. ein cirkellini hinfür biß an den breyten strich.